

東萊先生詩集卷第十六

呂本中 居仁

送楊景當時赴夔漕

楊侯從舊名籍，吳中一見如舊識。
憐我衰頽病已侵，怪我辛勤百無益。
今君遽作巴蜀行，江頭宿昔春水生。
踏經三峽不艱阻，遍與疲民間疾苦。
隨身長劍莫輕舞，試伐蛟鼉斬豺虎。
北來人士衆如雨，得君此行慰羈旅。
君但垂情一笑許，勝使區區入州府。
百城因之遂安堵，亦勝無



事閑坐否

送徐林稚山赴江西漕

總角相從四十年如今衰病已各一作華顛又無
耆老可訪事尚喜交游不乏賢未使從容持從
橐却令辛苦上江舩百城編戶皆疲瘵日望公
來與息肩

將發金陵奉懷張彥宣

老矣君何往翩然我欲歸文章晚未用歲月事
多違江接鄱陽路風吹遊子衣不應遠伯玉獨

悟昔年非

初離建康

一云鐘山寄范十四弟諸人

嘗憶他年出舊京汴堤榆柳與舩平寧知此日
鐘山路亦是東行第一程

二

紛々車馬未言還我獨支離便得閑尚有同門
二三子肯同今夜宿鐘山

寓會稽禹迹寺

陰雨靜不出端居還自由客來從短褐天氣已

深秋所在兵猶闖中原
亂不休廟堂如有意
便與萬人謀

會稽初秋

今來留滯漸河東
想見閩山荔子紅
雖有故人家在彼
可無方便託西風

二

張侯問舍復何時
我亦留連去未期
便欲為君草堂客
幾時先寄落成詩

三

故國回首但斜陽
所至奔波避賊忙
天下何曾有定處
越南燕北是中央

四

病來每有居山興
老去初無住世心
三尺枯桐無舊譜
始知三歎有遺音

錢遜叔侍郎奉京師舊墳改葬天柱謹
成挽詩一首

錢氏霸吳越功德在斯民
遜王早退居身退道
益尊至今二百年
盛事在後昆
文彩震本朝
豈

惟光一門後來翰林公又以直聲聞累葉其外
家世：悉殊興善惡久乃效其報于此分裔孫
傑立者迎喪自中原遂令搜攘後得安又旅魂
依：天柱山不必京洛塵死者如有知當言吾
有孫小人托末契所文恨老不文睹此一時盛
恐終無一言越水流不竭越山早不昏孝子亦
不匱錫類到仍雲

重陽日西興寄臨安親舊

我來西興口君至龍山旁如何阻一水不共作

重陽別浦潮猶白深秋菊未黃遙知對杯酌不
記是它鄉

范伯言樂隱一云送范老西行歸西山

烈士故狗名中民但崇官寧知陋巷士堅坐有
餘歡出從聖師遊歸坐守一簞出門視天壤密
通心自寬范侯懶仕宦決意歸西山：有藥
隱此地可盤桓誓將從古人上追孔與顏有田
可以耕有屋可以安寧能伴兒曹日夜不得閑
我亦倦遊者立味更百難夢寐想君家父子先

弟間便當卜隣居一生長往還相依得情話出
語清肺肝後生有郢質更為斲其強君行問安
否此盟當未安

題趙祖文盤谷圖

趙郎落筆寫盤谷正是太平無事時今日太行
那有此滿山樵採盡胡兒

送胡明仲知永州

君行西游浮沉湘洞庭岳麓天一方嶽前老人
望君久歲晚不嫌歸路長晴天萬里去鴻鵠韞

玉未售猶深藏遠行固是君素願多畜奇謀羞
自獻後生紛々了目前大策定非凡所見簿書
汨沒渠自忙道里崎嶇我不倦百川東下例無
澗要君巍然如斷山我老無用逢多金豈須大
契間胸次偏塞未寬日夜矯首頌
汨汨風君不難不使量炎漫入端
孫首之短堂

孫郎囊空意且滿因謂身長才則短以短名堂
堂未成長短是非俱不管嚴州一見滄浪贈

我新詩如夜光何時到君短堂上更話如今歸
興長

贈孫首之

予窮非一辟丹塵固長久自從太平時以至戎
事後今茲益窮臺所至但縮日遂令甌生塵不
止見肘未能脫身去且作避地走金盤貯火
齊熟視不取溪舩一濤江亦未遮南斗固知
松柏坐必不樓見我嚴州城世事懶到口
念子抱奇才有節空簞瓢在陋巷世亦如

此否乖離勿重言甚且飲酒

朱成伯秀野堂

客愁固多岐我懷亦蕭散連年尋故人見子二
水旱官居少閑暇歲月忽已換有堂名秀野未
入倦眼看得名自君子可當清淨觀未能執桃
李且自飽藜藿荒涼城一隅初不越門限脫身
少年場念此已熟爛嗟子老病侵閱世蓋多難
相逢默無語自足洗憂患窮冬足雨雪近市乏
薪炭時來上堂尚得一聲琴

次秀亭韻

忽見新亭起廢基暮雲疎雨兩霏
長江遠鑿石新開小徑微治世從
今何苦更藏輝使君不厭賓朋集
正為飄流到眼稀

二

舟車來往鬧回環今日倍公得暫
閑漸喜著身人迹外勝如隨衆馬
蹄間紫紵細敷溪頭路蒼翠遙看
雨後山正恐朝廷須舊物不容常
此面

孱顏

甘棠樓

高樓面下好舉目是溪山急水瀉
湍瀨諸峰呈髻鬢聊為半日出得伴
使君閑作者風流在承平氣象還
身雖住世細心已離塵寰未厭陪
遊蓬萊路惟公指頤間

師奴病化

伴我閑中氣味長竹輿游歷遍諸
方火邊每與

人爭席睡起偏嫌犬近床能與兒童校幾許
于臧獲便相忘他生尚欲隨吾在要奉香爐漉
水囊

二

受戒不捕鼠聽經如欲應誰知兩溪伴今日送
止僧

舟行至桐廬

乘舟待潮發一日到桐廬物色寒初甚溪山畫
不如往來真是夢親舊不須書猶勝鷓鴣在時

容托後車

示兒

忍窮吾有味離句汝無功客舍鶯塵裡春隨浩
蕩中初無買山費真與住菴同更恐顏回宅簞
瓢亦屢空

陳朝奉坐化

東風吹雨欲翻盆杏樹前頭柳暗村試問老人
何處去夜來新月又黃昏

嚴州春曉

字微集
居閑病常嬰出郭春已老微陰淨新綠轉覺原
野外故人各漂散頗恨來不早尚有壁間詩猶
堪寫懷抱是月足陰晦暮春常苦寒閉門猶疾
病春物豈相干堅坐客已少長貧心自安幽蘭
有花在尚肯結餘歡

予將為三衢之行下塔僧惠道求詩留
題因成絕句遺之

欲過城東病不能飛簷高棟想層々半年夢作
嚴州住一首詩留下塔僧

將遠三衢而七弟欲往臨安臨行作詩

奉送

弟要題詩別人還勸我留如何南去路更送北
行舟處事須遠畧擇交當廣求秋風理歸棹為
我上衢州

椿閣

往時椿閣老盛德傳鄉閭至今風流在遺芳殊
未疎有孫仁者靜遠近服其賢定知建德民祝
令如翁年

弋陽魏令賞音亭

高亭已寂莫山水自清音主人去已久此意誰
復尋夢回還舊觀川上有微音吟于焉斷維前作
因見平生心

建安熊述之為令建德不言而民治將
造三衢留詩美之

熊卿治建德隱心若水民肥吏乾枯亦不用
笞箠問子何能然此豈力可使建安今多賢于
子可見爾

二

建安固多賢胡人劉與胡山川古秀潤珠生崖
不枯我病日已懶觸事見迂踈行當脫身去一
塵從子居

擬古樂府

高堂陳八音同聽不同樂狂飈送鴻鵠萬里翔
寥廓一去十年事非前約當時綠綺琴塵埃
無處着時節非不久此意但如昨

已未重陽

病無佳思只深藏漫遠東籬菊未黃最是
一年秋好處可能無酒過重陽

李城拙軒

念彼巧者勞知此拙者安拙者固無營一生長
得閑子豈真拙者托此以自安何嘗曳長裾顧
有卑小官立人極變態翻手覆手間子獨如不
聞默坐安如山九衢走紅塵不自不相干我老
始見子古井久不瀾贈子拙軒詩留子靜處看
當蒙一笑許敢言愁肺肝

清慎軒

清慎軒中一事無午窓高枕似吾廬世人稱意
何須道乃祖風流正不踈

將往城南觀音菴阻雨未果

野寺他年別溪山浪作秋初涼頗宜出小雨故
妨游僧老渾無念田荒近不收猶思五更懺清
切勝蠻謳

余迪漫浪齋

顏子在陋巷無一當其心日惟聖之學正自惜

分陰子生千載後此意尚能尋齋雖名漫浪迹
豈計浮沉文字浩今古不受俗務侵端如貯美
酒如處當自斟臨卷忽有得如未君義臨即此
是聖域子行無滯淫

無題

我病無能到處窮子才安得尚漂蓬如何共飲
重陽酒相對無言似乃翁

二

重陽共採東籬菊却似乃翁年少時顧我無能

甘老病相尋惟有向來詩

三

聞鐘即起待天明客舍無聊坐五更何日長風
破巨浪看渠萬里出門行

四

平生飽我飯脫粟靜夜不眠尋細書可見烏衣
諸子弟從來志業不如渠

邊愁

胡人吹短笛一半是離聲想得南飛鳥雲間亦

厭聽

二

愁聲晚來急邊塞昨寒時不似江南日愁多只
自知

招范四弟

涼風忽滿簟江漢有歸心願我病如昨憐君窮
至今苦嫌歸夢短不厭酒杯深試問玉川老何
時許降臨

衢州路中

今日衢州路師奴不共行童阿渾似汝只是太麤
生

憶福州舊居菊花

問訊堦前菊如今屬阿誰祇應風露底猶記摘
殘枝

求趙表之墨

超然堂中墨如戟支撐宗門渠有力叅得諸方
一味禪以此示人不識病夫見之喜折屐便
欲投詩恐無益主人不吝是家風會見琅：送

瑤瑩

陋巷

陋巷客自稀短日寒未到感君時一來得以慰
懷抱論文有根柢落筆清且奧如歌五絃琴
促軫有餘操黃花開正繁薄酒可相勞請君尋
此盟妙處同一造

示聞生

形容落魄猶須酒疾病因循久廢詩忽見聞郎
七字句却如王謝少年時

簡何君厚

我乏濟勝具子懷經世才寒窓得一咲陋巷絕
纖埃白酒難克醉黃花只強開更憐無事日時
有好詩來

謝人送酒

他鄉逢故人已覺意氣盛得君雙榼酒起我終
日病清如兩龔潔氣出徐邈聖乃知無功鄉歌
往有捷徑一杯我已足不必待歷聘扁舟下東
陽此計或未定尚欲尋舊盟短拙恐未稱先生

肯降臨時埽一室靜

東萊先生詩集卷第十六

東萊先生詩卷第十七

呂本中居仁

聞蔡九弟十四弟到行在

苦懷吾表弟別久費相思愛客能忘酒長貧不
廢詩每蒙高士喜終少貴人知試問遊吳興何
如在蜀時

贈蔡九弟十四弟

年來疾病日衰頽忽報山中兩弟來徑款相從
營一醉未須辛苦便輕回

病中
貸米供晨炊尚欠數束薪平生甘此味此去未
為貧新霜已嚴厲况我病經旬但守此心足無
為思古人

病中曾端伯見贈
不見倉曹十五年江城相遇各華顛何時更踐
隣居約判斷諸方五味禪浮生擾々亂初定又
病昏々開始便欲問小童尋大隗勝于猛將盡
凌煙

無題

一任衡門可雀羅時容欹枕聽懸河因君小試
屠龍手要與午窓降睡魔

送曾吉父

吾道從來到處窮八珍常與一簞全子房故是
青雲士圯上乃逢黃石翁聖學有傳為可喜宦
遊少味自無功亦知湖嶺如江濶盡在先生指
顧中

次曾吉父蘭溪

紫微集
夜窓相對不成眠苦為離愁定不然政以蒼生
未蘇息思君日夕望回舩

二

春信先尋嶺上梅兩君零落待君開非關使節
須重到自是溪山未遣回

三

久覺藏身不厭深舊遊風物要追尋書來肯附
銅魚使記我今年病不禁

窮臘有懷

冰霜底窮臘伏枕久亦倦思公如和風咫尺未
得見人生無賢愚各自有志願但得所趣同公
固不我賤何須眩九折始見金百鍊平安望中
原棲息各異縣尚欲從公遊衰年保窮健

病中聞諸范日赴飲會

諸公相隨日酣飲我病昏且困衾枕人生苦樂
故不同世味再尋如拾藟良醫更在眩九折曾
子從來日三省不離方丈步諸方萬事只如驢
覩井

深居

深居如山林初不遠城市塵凝喜事少犬吠知
客至生涯付衰疾日力破昏睡欣然一咲足自
省甘若薺收身當在早過恐少味

慶大悲閣成

自離閩嶺罷叅禪病疾深藏不計年尚得閑人
相印可隔門惟有白衣仙

贈人

堅臥因循欲過冬故人無復馬牛風得君好句

能忘病咲我長飢不諱窮清夢肯嫌齋舍冷破
囊常伴酒盃空新正所願長窮健剩作歌詩準
備公

送廣東漕范子儀

我為三衢居君作番禺行君行我方病歲序仍
崢嶸嶺海未寂莫斯民則惟悴得君鎮臨之固
可以卒歲嗟君盛德後窮獨與我同比年數見
之長在寒苦中番禺盛賓僚莫如元帥賢君行
問安否道我如昔然

夜聞諸生讀書因成寄趙十七姪

紛々藥裏了新正北望蘭溪不數程且喜諸生
會勤苦夜窓如子讀書聲

夜坐

所記留連不計程兩年堅臥厭南征荒城日短
溪山靜野寺人稀鶴鶴鳴藥裏向人閑自好文
書到眼病猶明較量交力差精進夜々蒲團坐
五更

簡李巽伯

愛酒舊無敵能詩新有聲荒城時過我長句屢
尋盟厭病時招客因行計不程祇應有餘暇未
肯賦閑情

一本後四句云往事十年夢生涯三尺檠却

憐陶靖節著意賦閑情

追記昔年正月十日宣城出城至廣教
嘗憶他年在宛陵好山松竹面層々江城氣候
猶含雪草市人家已掛燈每怪愁腸難貯酒時
隨拄杖出尋僧如今轉覺衰頽甚病坐南窓冷

歌水

病中上元

病未久仍多事深居未識春殷勤今夜雨且為
阻游人

三衢上元

俗事紛々避作煩夢中時厭雨聲喧但看閑客
時來去勝說群兒手覆翻事業不同俱可咲形
骸如此尚何言他言更有相逢話同是三衢過
上元

贈人

剩作閑官不計年得公相近轉偷然飽暗文字
能生病始信虛空不住禪水滸船回休進棹路
長加鞭漫成拙句為公壽要作新正第
一篇

官閑贈人

自許^喜閑官不計員月叨微祿勝歸田藥囊往
充詩稿米券時當酒錢忍病作勞吾不厭對
人無語子差賢不須更見盧溪老會得安心即

是禪

正月十七日

令節今安在晨鐘奉夙興空庭留素月廣殿有
殘燈咲語已難記經遊如未曾吾堅臥差勝住
房僧

病中得舍弟信

頻通發女訊兼得會稽書歲月呻吟裏文章困
睡餘百年判樵悴萬事付迂踈尚欲身強健相
從得定居

疥

癢痒撓膚無春冬為害畧與惡疾同只有瘡痂
不相負夜蘭長滿寢衣中

正月十九日暴熱

一夜飛蚊遠鬢鳴都忘時節是新正祇應朝暮
須風雨便作疎簷瀉竹聲

即事

十年不調張廷尉一字拔人山巨源萬事重尋
已陳迹此公相對可忘言故人久已音書絕古

寺終嫌市井喧更欲移家近深僻漫留書冊教
兒孫

送向仲告往江西

紛々車馬鬧如雲膏火煎熬祇自焚亦有故人
來問疾苦無佳思與論文江湖老矣頻搔首毛
髮脩然政似君他日卜隣猶有約靜中風景要
平分

寄臨川親舊意到輒書不復次序
偶從行李轉江湖所至脩然一物無午枕久拚

閑事業夜窓新有靜工夫

二

少小交游不乏賢二三豪俊聚臨川自從老大
飄零盡獨有殘詩數百篇

三

屢詩吳中千里萼閩中荔子亦嘗新獨游每恨
無佳思正好溪山少故人

四

故人自失稽中散病疾衰頽轉不堪猶喜閑居

有賢弟且隨長缺住江南季平

五

張卿別後且郊居無復黃公舊酒壚試問今年
有閒暇亦隨書劍入城無文叔

六

交游疇昔住臨川博士高風世不傳饒謝得名
三十載當時已道小汪賢叔野

七

故人子弟惟汪謝每一思之忘寢興莫道臨川

便寂莫後來相經有諸曾

八

吏部聲名動一時中原人物未全衰低推不用
還歸去坐守遺經可療飢子禮

九

金谿比歲復何如二董風流却未踈聞道移家
遠城市欲携書籍更深居產先產連

十

愛賢如渴吳夫子不染世間兒女塵老病不逢

終不悔後生誰復記斯人吳迪吉

奉懷季平范文戲成兩絕句錄呈

形骸已病尤宜懶歲月長貧屢有詩猶得深居
少塵事只如同在嶺南時

二

新年為况復何如尚有心情打酒無只樂後生
行樂處轉嫌吾輩白髭鬚

病中寄胡原仲劉致中

累月不寄書我病亦在床仰見出林鶴如覩二

子翔冰壺貯秋月所至有輝光僻郡足風雨深
春猶雪霜閩水遠而清閩山深且長何時一尊
酒更復議行藏

才元相遇三衢偶成近體詩一首奉呈

紛紛俗事起如毛病起南窓厭作勞正欲往來
求飯飽敢將辛苦治名高長閒似稱三冬臥舊
學虛蒙一字褒他日相逢有餘地尚容衰晚闔
堅牢

無題

衾稠尚冷知春早意緒無聊覺病深夜半改詩
緣底事向來餘習正閑心

寄人

世久無高識斯人我獨知子行吾羨子雖病敢
忘詩

二

念昔無事日同升夫子堂江湖晚相見猶喜共
行藏

三

世久趨浮末于時爾獨賢閑遊衆目外却立萬
夫前老驥空伏櫪長琴有斷弦傷心共隱地回
首更忙然

寄祁居士

聞道祁居士抄書手未停艱難走異縣辛苦抱
遺經野寺猶堪隱人言懶復聽十年事夫子今
日得儀刑

贈人

病欲相尋久未能虎丘山下在家僧諸方本末

紫菴集
須君記拈出叢林舊葛藤

二

昔年曾侍老姑傍
誨我全身只退藏
長恐風流便疏遠
子猶他日及升堂
跬步無功已厭遲
後生誰復肯從師
無人識子閑居意
手冷深藏只自知

四

三江古路更深居
白首窮經一丈夫
借問新年入城市
亦曾頻到虎丘無

寄朱希真

幕下諸侯老
微言衆不聽
祇應有餘論
時復注前經
郡古踈還往
官閑任醉醒
主人鷺可換
更爲寫黃庭

寄向縣丞

念子他時兩頰紅
十年奔走變衰翁
耐官丞相風流在
坐守簞瓢不訴窮

病中

藥裏關心老不冝只今筋力已全衰何由更得
身無事却似他時把酒時

山城

山城雨雪繁春氣來不早思君如和風未見意
已好時蒙枉車騎笑語得傾倒我能知子賢子
亦憐我老舊交半見錄在者迹已埽慨然念平
生令人惡懷抱相從飽喫飯此計或未保東遊
有前約預恐別草豈無一言贈妙句寫默藁
出戶仰高山猶堪慰枯槁

病夫

病夫坐穩懶出門底事逢春作癯瘦故人相尋
不憚遠致以一盃為我壽鋪張古昔別大義勸
使忍窮如忍詬感君意氣但如昨願我情懷已
非舊平生甘作蟻旋應萬事只如舩放溜十年
參差故鄉夢一心守待靈芝秀辱身竊比柳下
惠疾惡幸逢朱伯厚他時城市望雲山歲晚何
由數相就

無題

心廣體故胖意肅氣自屏頽然萬物表樂此一
室靜念君久安坐轉覺此味勝踈籬過野馬破
牖行日景但令此意真不必費訛評想當溪山
橫更有松竹映隱几得晝眠此固可補病
強欲馳驅老不宜故人雖在費相思祇應大府
多還往職事雖忙不廢詩

二

夏子經時不寄書十年奔走尚窮途不知自到

高安縣亦有心情寄我無

寄閩中親舊

濃陰蔽烈日小院有餘涼頓覺枕簟好時聞芟
荷香秋成今可必衰疾未相妨徑欲閩中去尋
僧不裹糧

廖用中世綵堂

廖氏居七閩土俗變齊魯子孫仁且壽每繼先
父祖作堂名世綵此意天所予近者得矜式遠
者快先覩今公懷直道邪正有區處還家上此

堂父祖當笑許小人慕清風想像濯^煩濯暑孰知
 少年場有此毛髮古何時望世綵得聽公笑語
 老松臥歲寒亦以蔽風雨人或不予知亦莫予
 敢悔

劇暑

劇暑先庚伏經旬在炮燔今夕驟雨過我病亦
 少安涼風醒病骨好月上更蘭尚恐賊報急凌
 風無羽翰閨中故人書日夜望我還無車載家
 具欲往故不難所恨去已晚不及荔子丹家

有白酒自足解愁顏

即事

經旬困炮煮今夕有微風市井囂塵外溪山嘯
 傲中秋涼亦不遠吾道恐終窮準擬閨中士今
 年一笑同

秋日

斟酒莫辭酒殘寬酒殘少寬令心安客遊無聊
 思舊歡新愁千萬端如何不飲空長嘆歲
 云秋矣風落山白露應節衣裳單南游並海當

不難雨雪欲下何時還

懷秋

秋風日夜至念我少年時
新涼喜欲舞至今心
未衰心雖未遽衰老病則已甚
頽然坐前階乃
若兩鳥噤予病少則爾衰羸非獨
今徘徊以傍
徨何以異夙心死者合已死
空費子百慮在者
亦已老契濶少相遇洗心西方觀
子復未肯然
胡然兢日力今年如去年

贈范十八

君去留不得我窮前未聞
如何出籠鶴更送離
山雲歲晚逢同志人稀
莫離群肯思臨別語只
用十年勤

秋日

少年固長貧長歲復多疾
閉門取堅坐到此多
事日不嫌冷如漿所要甘
如蜜舊書堆几案老
眼厭塗乙不如壁角坐
萬事付以寔况今雨澤
足已覺憂患失秋我日
在望所至有梨栗賊報
雖未衰一飽良可必

讀書

老去有餘業讀書空作勞時閒
夜蟲響每伴午鷄號久靜能忘病
因行當出遨胡為良自苦膏火自煎熬

宿昔

宿昔尚煩暑平生悲遠遊
長負不貫酒雖徒懶登樓
晚節勞千慮經年走數州
新涼事：好只是迫防秋

謝人送詩

堅坐少愉樂欲行還滯淫
時蒙七字句可慰十年心
歲晚日晷短天寒霜雪侵
主人不厭客敢避酒盃深

水仙

澹綠衣裳白玉膚
近人香欲透衣襦
不嫌破屋颼颼甚肯與寒梅作伴無

二

破臘迎春開未遲
十分香是苦寒時
小瓶尚恐無佳對更乞江梅三四枝

東萊先生詩集卷第一
處暑

江西詩派

平時遇處暑庭戶有餘涼一紀走南國炎天非
故鄉寥々秋尚遠香々夜先長尚可留連否年
豐杭稻香

東萊先生詩集卷第十七

東萊先生詩集卷第十八

教授鄭國材挽詩

呂本中

君仁

松挂在荆棘所趨故不同雖云被剪伐所至仰
清風念子行古道簞歌生屢空婁我来則已病不
復能從容平生務躬行聖處又收功堅坐想顏
子欲往吾其從丹旄忽已遠暮靄千萬重論文
一尊酒堅坐更誰逢

無題二首

柴門羅雀懶頻開
喜有新詩到眼來
聞道繫舟城脚底
莫乘溪漲便輕回

入秋多病渾無酒
學道無成却讀書
莫道窮居便寂寞
天涼猶在故人車

潘義榮惠木犀二首

年年無酒對新秋
辜負涼天懶出遊
想得故人憐我病
故分巖桂洗窮愁

埽除炎暑脫氛埃
色似菊花香似梅
知是西風要清賞
少留陰雨候晴開

次潘都尉富季申冬日探梅韵二首

暑退園林物物新
過溪風好月初晨
酒壺茶具偏宜坐
細草殘花別是春
但得主人令客醉
不辭秋冷和詩頻
從來禮節生疎放
見我狂歌意自親

開府新從日下歸
却尋山水對煙霏
剩披詩律

留花住不使親知到眼稀但見鯢鵬常遠舉應
憐蝴蝶只早飛此遊尚恨還家早未許溪頭送
落暉

次韻木犀二首
折送幽花與做秋溪頭風物未重游已憐多病
逢三益更喜詩成擬四愁

洛陽車馬走塵埃一歲顛狂自採梅還識此花
風味否年年秋後兩番開

謝潘義榮送菊二首
經旬霖雨足莓苔忽喜雙盆送菊來已似風霜
憔悴損主人云是待晴開

漸開粉白間微黃肯與新橙一例香送與衰翁
元未稱且留青藥作重陽

畜犬

主人長年閉柴戶終日閉雖云伴我懶常有跋
扈志端如在籠鶴又若伏櫪驥舉首望道路久

留花住不使親知到眼稀但見鯤鵬常遠舉應
憐蝴蝶只早飛此遊尚恨還家早未許溪頭送
落暉

次韻木犀二首

折送幽花與做秋溪頭風物未重游已憐多病
逢三益更喜詩成擬四愁

二

洛陽車馬走塵埃一歲顛狂自採梅還識此花
風味否年年秋後兩番開

謝潘義榮送菊二首

經旬霖雨足莓苔忽喜雙盆送菊來已似風霜
憔悴損主人云是待晴開

漸開粉白間微黃肯與新橙一例香送與衰翁
元未稱且留青藥作重陽

畜犬

主人長年閉柴戶終日閉雖云伴我懶常有跋
扈志端如在籠鶴又若伏櫪驥舉首望道路久

款從此逝恨無陸探微寫此師子戲如何尚搖
尾更作求食計

一 疥九

刺刺齷齪疥款作今年去年只如昨人生縱病
莫病此此病雖輕更作惡寒燈窓夜長燈燼落
敗人禪觀妨人樂安得壯士挽天河盡洗此瘡
閒處著

一 潦倒

潦倒心猶在裏遲分獨深如何一朝淚空費百

年心好月同思步清樽懶獨斟惜哉王子敬誰
復歎人琴

贈人

他年好兄弟見我嶠南時相對能忘病清言可
療飢後生寧復有末俗漫相疑尚想閒居處踈
燈守破帷

無題

疾病侵凌我亦衰後生誰復更相知可憐日落
長安路不見驛驢整轡時

寄京口使君

使君鎮京口，隱若一長城。詩律有同社，溪山聊
主盟。囂塵不挂念，鷗鳥自忘情。曾記貧交否，哀
類判此生。

再贈

嫠女勝京口，公來歲已秋。閒雲出山寺，好月掛
星樓。往事付情話，故人多倦遊。十年浪奔走，今
日為公留。

贈友

子來已冬深，僅得數夕款。寒窓聽談道，未厭白
日短。從來不飲酒，萬事付茗盃。別去今幾日，荒
堦月猶滿。

歲暮

歲暮少懽愉，况復嬰病苦。閉門每厭暑，幸此連
日雨。寒爐火復熾，乃若相媚嫵。披衣坐壁角，妙
處時一睹。風敲耿初夜，有句或未吐。還書問故
人，可復一咲許。

戲成二絕句

老讀文書懶不前亦無餘地可逃禪閉門省事
群鷺遠惟有狸奴附日眠

病犬虺隤唯附日懶猫藏縮尚避寒寧知兩馬
霜風下更有長途不道難

久病二首

久病畏人事長閑增道心寧貪風日好不避雪
霜侵跼躄身猶在高低手自斟酒盃休厭滿茗
盃向來源

未愈俱生疾空懷宿昔憂時因發孤笑尚足慰
窮愁月落初無念花開不自由如何雁南鄉不
共水流東

偶作二絕

不嫌羸病守繩床世念紛々久已降一夜月明
如白日驟聞急雨打天窓

膏火從來只自焚何曾野鶴駐鷄群如何死亦

無公論地下猶存衛府勲

謝滕尉送梅

破帷冷落不禁風
疾病深藏稱懶慵
忽有梅花來
西巷喜聞春信出
初冬未須趁雪爭
先睹尚恐衝寒不滿容
會約君家好兄弟
他年尊酒更相從

遊山

世味日可厭
茲遊那得忘
稻田疏宿雨
木葉犯新霜
潦倒交游在
追隨氣味長
僧窗有靜供茗

盥侑爐香

李丞相挽詩三首

舊學邀難繼
相期從少年
初看驥伏櫪
遽作鶴冲天
烈士平生志
高名萬代傳
如何事未濟
此老下黃泉

五

兄弟俱英妙
毅名萃一門
論才無不可
于道獨為尊
未定千年策
終嫌萬丈渾
天乎乃如此
不使拯乾坤

紫微集
五
事業懷蕭相胸襟識謝安流風有餘烈志士只
長歎淮海他年竭冰霜此夜寒向來交友淚南
望不曾乾

以一鱸寄范四弟

中原厭胡馬所至是賊窟念君室懸罄何以備
倉卒窮冬霜雪繁欲救乃無術見號君莫厭婢
怨君莫恤平生師顏子于此見髣髴此鱸君所
知自我機杼出

江梅

江梅消息未真傳微露芳心几杖前不信冰霜
能作惡要令桃李便爭先斜枝似帶千峰雪冷
艷偷爲二月仙天準擬從君出城去竹輿仍勝百
花羈

鼓山頌法眼語在裏即求出云大家合
眼跳黃河戲成四韵奉答

合眼跳黃河未有過得者豈惟不能過身亦須
判捨告君過河妙止要具船筏乘時等風去過

此無別法

夜深歸家聞鄰家小兒讀書可喜有作

也

還家更寒三鼓餘鄰巷小兒猶讀書
王侯將相乃無種
紈袴綺寧似渠北風颭
霜被草聽汝讀書
殷轉好莫言翁媪惜膏油
有見如此可無憂

梅花

野水依城竹映沙
江梅開處又人家
天晴徑款

花前醉只恐衰顏不稱花

無題

德盛不狎侮
立談多雜俎
居然少莊語
無乃近諧恨
此達者趨
猶垂壯士懷
故當先復禮
方得

盡梯階

聖學邈難繼
斯文當望誰
還能養志氣
且務攝威儀
曾子但三省
子長徒愛竒
從來要功處
本不在多知

贈李元亮之子季子元

往時諸李在江都文采風流一代無每得清詩
如鮑謝已聞前輩許封胡好松久已埋深澗老
馬今猶憶舊途令子相逢初未識尚容衰晚見
規摹

二月七日與群從遊陳氏園
平居羸病每相妨今日尋春有底忙何似主人
常不出看人衝雨度浮航

二

橋北橋南花亂開小園和雨掃莓苔不嫌拄杖
衝泥入更許乘閑着屐來

懷許子禮三十一

寒松厭庭院老馬倦維繫偷然出塵去粗免朝
夕急我友隔湖嶺尚作一日葺平生學道心擇
善有固執豈不在行路自遠霜露濕百川灌河
來砥柱乃中立何時一樽酒更與交舊業

雪三十二

窮人無巷對雪小詩自可逃禪看取一年三白

喜歡共入新年

二

堅坐正宜養病開門便當幽尋一夜雪深一尺
與詩同斟

報暉菴

三

春草仰生活春暉常照臨不知欲報德何以見
此心江漢有時竭此心無淺深魏氏有令德傳
家非獨今結菴在山阿日瞻松柏林仁風被遠
通猛獸不敢侵令子守直道意往無崎嶇遂令
此鄉人得聞金玉音我行時序晚回望西山岑
延長頸太息聊為純孝吟

贈莊寄季裕

三

老矣莊夫子居閒肯厭貧盛時更讀易憂道不
無人記往書猶在相逢意倍親尚期香火社文
字約遺民

李尚書挽詞

三

李氏三吳秀尚書一代英立朝惟直道守己但
純誠報國心雖在憂時病已成入推四兄弟氣

歷百公卿未就養生術獨收強諫名傷心舊游
地城郭漫溪穀

李器之履齋

二十六

人履險巇君履平地信可履行穩居
亦易責己不責人為道不為利熟視履險者豈
不心有愧君家天台守固學有餘味微言化子
姪自足警一世初無舉足勞寧有半塗滯君能
識其然我亦從子逝

野寺

二十七

曉窓日未融野寺雨欲作經旬少客到靜坐差
可樂平生遭病擾今更不作昨囊空畏高醫何
以致良藥所幸秋已至所在身可着洗耳聽涼
風不待一葉落

辛酉立春

二十八

中原擾尚胡塵堅坐江南懶問津漫讀舊詩
如昨夢都疑往事是前身子桑自了經時病原
憲長甘一味貧剩忍雪寒君莫病土牛花勝已
迎春

雪夜

破屋除燈雪自明
素頭無用讀書聲
老慵已慣
跣趺坐昏夢
尤便松竹吟
知有故人來問道
又無佳興與尋盟
明年更有閩山興
但辦行纏莫計程

謝方倅惠炭

寒壓新春雪不融
布衾如鐵坐衰翁
煩君又送南山炭
更放殘爐一夜紅
即事四絕

老來于世轉無求
事業聲名種
休伴得鄰僧
忍飢慣閉門
無飯讀春秋

忽和夢別星樓
擾隨緣住信州
尚笑長江
少方便
只教溪水暫西流

問柳尋花懶不知
登山臨水病難為
日長客去
松陰靜強課
見曹學和詩

經旬却怕酒盃深野寺雖開病至今莫謂閒居
厭醫藥未妨隨證檢千金

贈人

中表多離隔情親子獨墮心遊衆目外氣出萬
夫前米賤猶堪飽官閑不記年春風上巖瀨為
我畧回舩

辛酉之冬周提宮墮惠風行隔

深冬坐窮閭未厭風日惡今晨起濃陰正恐雨
雪作故人憐我寒重意到立壑虛堂排竹牖已

覺煖勝昨初無穹室勞漸有閑適樂我生甚易
足所至况旅泊不為禦冬計敢復備隕籜偶蒙
仁者念僻處未蕭索從今作新年對酒且斟酌

計一作具

寄張仲宗

聞道張夫子今年已定居偶緣荔子債遂絕故
人晝歲月足可惜溪山莫負渠他日得相近不
必遠庖厨

周仲固尚論齋

周侯不出何為可閉門讀書心自知簞歌陋巷

君不厭讀書萬卷能忘飢上參羲皇下秦漢來
取英華幾脫腕是非榮辱姑置之忽若乘舩到
彼岸古人之學有傳授君生寂寞千載後問君
何以識古人袖手無言坐清晝以此讀書為尚
友是事湫苾人信否人信不信君不問松柏固
難生培塿朝來落葉滿荒城青山照人溪水橫
往來車馬作塵土想君深夜讀書聲

吉州段秀才粟菴

大千非有餘一粟豈不足須彌納芥子豈復論

盈縮今君住壺網何以得此獨始知陋巷居已

悟不遠復

復一作

自如齋

朝為事所奪莫為飢所驅不知六合間何人能
自如永新段夫子屋小心有餘教之有家法逃
禪猶作書

醉經堂

紛々入醉夢一語令渠醒段子閉門居云何猶
醉經其醉蓋非醉初無能解醒問經何所說明

善故能誠

人題焦寺丞詩冊三絕四九

一世奔波在別離
君家孝友獨天知
已令好夢傳消息
更有賓鴻效羽儀

二

路旁來報定何人
物理潛通自有神
想得三衢相見地
至今草木亦長春

三

河朔家人墮渺茫
江南風日正舒長
已知原上

鵲鷓處更入雲間鴻雁行

曝物

五

曝物看日景頃刻未嘗停
隨景移曝物目亂令
心驚寓此不停景乃復望
長生忽下駒過隙悠
悠池汎萍况茲兵火中
而每疾病嬰野寺過毒
暑旱氣浮高城出門君
莫厭宿昔已秋聲

次葉守喜雨

五十一

群鷺寂寞已收聲
預怯秋房獨夜情
忽聽僧簷鳴宿雨
定知田舍舞安眠
盡消積暑經時旱不

厭新涼數日晴更喜此邦賢太守樂為詩頌教
諸生

無題

五十二

學詩漸老轉銷聲末路蒙山此日情尚有文章
能起疾豈惟田里解虫忙近郊秔稻成秋熟遠
郭溪山入晚晴剩繞長廊和新句不知庭下薄
寒生

次韻曾宏甫木犀

五十三

風吹旱暑未成秋辜負江村事幽巖桂敢煩
先折送好詩仍不待邀求自憐疾病常高枕坐
想風流換此州他日出門尋舊約未嫌踈懶作
人不

贈鄭侍郎二首

五十四

便欲深居過一寒破窓重覓舊蒲團莫年生活
如何做子細煩公指示看

二

幾時不過西禪寺直自初秋到晚秋聞道主人
憐我病天寒猶未送新篇

東萊先生詩集卷第一

東萊先生詩集卷第十八

東萊先生詩集卷第十九

次曾宏甫九日韻

呂本中

居仁

僧園曉色散栖鴉
強起新詩整復斜
正想故人披宿霧
忽蒙佳句洗昏花
舊遊往々違心事
老病昏々漫歲華
辜負重陽一樽酒
且來占雨又朝霞

九日贈曾宏甫二絕

茶花過雨十分香
山後山前已帶霜
何事東籬

數株菊已將青藥趁重陽

五

漸退中原胡馬塵溪山未厭往來頻雖無名酒
酬佳節尚有新詩答故人

送徐止秀才歸小葉

後生少規摹子學有根源紛然衆說中獨識孔
氏尊古人雖不作此理固常存滄海無津涯寧
有衆水分鑑明不受垢三盡亦無痕子還訪師
友當自得其門躬行見日用餘事不論文

次葉守韻

新正無所為出戶亦乘興欲尋林泉幽不避風
雪逆搜腸乞佳語分外若贅癭故知藜藿繁不
受珍果飮清詩洗病目鄙陋知不稱披雪見新
月乃悟本來信溪山况瀟灑鏡有松竹映何須
待醇酒然後有醅酌

寄題曾黃州重修睡足齋

雲濤際天江北路郡古人稀春微暮平生想像
睡足菴頗見王杜安身處十年兵火菴已壞草

紫微集
莽連崗穴狐兔使君初來席未暖重就新齋立
窗戶踈々修竹帶泉石歷々幽花點煙霧竹樓
月波不寂寞雪堂東坡復共住昔者食遭盜賊
擾今者定蒙神物護使君忘言坐搔首抖擻衣
襟脫巾屨下簾高枕百吏散二任江頭風斷渡
會思王杜與新詩夢裏相逢得奇句

重陽前一日作

九

涼風策々旁江城道路猶寬遠去程秋晚情懷
常索漠夜長更漏轉分明未償臍腹三年艾不

負膏油二尺檠明日黃花一尊酒苦思親舊與
同傾

春晚

春色忽已晚悠悠留此心深居有閑暇令節廢
追尋更老愁何在長貧病亦侵一盃聊自勸不
為落花斟

寒食二絕

梨花雪白柳深青也似中原舊驛亭猶記往來
寒食下客房無酒臥空筵

五

今年春物更急：野杏山桃取次紅底事無錢
作寒食可無新語記車公

白樂天與河南尹詩云明朝欲出須謀樂不泥車公更泥誰

送曾宏甫知黃州 四絕 五

雨餘天氣欲嘗橙栗可炮煨芋可羹正是
一年秋好處忍令無酒送君行

二

口脣白醖未嘗開正始餘音挽復回他日鑪香
為誰起公曾親見了翁來

宏甫頃常為謙議陳公所知

五

君到江頭不問津雪堂草木幾番新一生未得
文章力要埽中原胡馬塵

四

騏驎徐行不離群却行江北訪斯文潘何子弟
能傳業當奉遺書與使君

題范才元畫軸後

昔南年曾過嶺南州曾看湘江萬里流妙手可傳
詩外意亂雲寒木更孤舟

送尹少稷賢良還懷玉山

青松在庭檻乃受衆目憐念彼寒歲被肯爭桃李妍不如臥澗壑歲久霜雪前尹侯東州英炯若珠在淵遊地走南荒因循留瘴烟歸來懷玉山草屋數椽深居絕萬慮讀書欲忘年偶出到城市頗厭塵囂煎搜腸出妙語贈我以長篇行潦被注挹朽木煩雕鏤紛々車馬間孰能知子賢別歸值短晷肯復更留連我老百事廢鈍馬難加鞭清霜粲屋瓦白雲常在天悵望子所知

知欲去無寅緣

閒居即事

親舊音書寂不來畧無一事可縈懷春風寂寞花侵路野寺荒涼草上堦剩欲出門留客坐不妨扶杖看僧齋無人會得龐公意只道淵明是匹儕

偶出謝客

才過清明日更長竹輿頻出度浮梁雨侵田水連溪白春入山花帶蜜香數有故人相勞若不

嫌俗事且窮忙今年尚有湖湘興不待秋風便
促裝

蔬食三首

殺物以活己肉食固多慙况無一事勤敢于滋
味貪今晨病少間調羹有酸鹹居然飽簡蕨自
足慰清飮

二

磨刀向猪羊渠有千種苦厨人盡心力博法一
笑許此道在忠恕觀彼更觀汝聖人雖未言寧

可自莽鹵

三

夫子釣不經于理已不隱浮屠斷食肉此語說
始盡人生慣便習奉法乃不謹要當守淡薄萬
事可堅忍

戒殺八首

勸君勿殺犬：有為主心為主反見殺君何無
淺深君負犬不去君富犬分憂熱以付鼎鑊于
君心穩否

畜犬被縛時猶為主人吠、殺不絕口湯沸主
已退主人調醢鹽豉以作滋味持此望身安世
間寧有是

犬雖有小過未至不得活賣錢與屠宰使得恣
鬻割君見小不安君夜不得眠何獨于此犬如
此安忍然

勸君勿殺雞、能伺昏曉聞雞君即起一、家
事了一朝被烹煮不念前日功主人取暫飽雞
苦固無窮

緦犬使殺鼠、窟生百畏其飢使之出此亦有
何罪大鼠俱勿殺莫計有無功苟以無功死還
與殺犬同

願君普斷殺能益君壽數子孫亦長年皆以不

殺故君子遠庖厨非有意于善但能觀自身此
理即可見

商陸殺其父身亦烹楚國世民殺其兄亦未妨
大福以此知報應未必在此時也雖無他終
久君試思

虎狼非不仁天機使之然蛇虺肆百毒此亦受
之天贖君勿憎怒憫此心謬用仁氣苟薰蒸終

皆變麟鳳

寄祁君之

苦憶均陽祁處士只今全德住菴僧何時更得
相從去細話叢林舊葛藤

送韓念八迪功

君去留不得我行還未忙漂零更遠別衰癯且
深藏野水千山綠荷花一路香猶思還往地相
望隔浮航

謙請

上人清端亭

道人結屨殊未就先起小亭山左右不將溪水濯塵埃且以清湍為客壽雲煙掩靄作春濃草木堅枯辨秋瘦客來相對兩無語豈有浮辭問時候一生行脚如夢覺天意似于君獨厚我今留滯未得往想像此停如故舊再三伸紙誦清詩已勝開尊飲醇酎註公題詩音禮音冲原仲簞瓢可樂不淡薄蘭菊重生足滋茂他時有暇更分題此遊未落諸公後

送韓臨亨提舉

君有千里行我獨留此君行赴何許流江隔重湖我留此山中欲去尚躊躇沅江道里僻罷民待君蘇君亦憐其民濕沫勤煦濡涼風促君旆小雨膏君車漸去驚塵遠及此夏景初野色望行路東門初首涂風土日已好誰能懷舊廬舉手謝拘束有若緹壑魚路逢舊交游相見問何如道我且貧病因風時寄詩書

和伯少穎迂仲將歸福唐偶成數詩欲奉寄無便未果也辰叔常季南還因

以奉送

紛々之道途擾々雜泥滓既為風俗移又以血氣使百川灌河來夫豈有涯涘故人林與李始可與語此

二

方士子獨立士德順歲暮亦深居林李從之游欲出更躊躇紛華晚不顧浮湛同里閭時從陸丈人共此一篇書陸公皆從亦顏游

五

閩山固多奇閩士亦多傑弱水不勝舟有此積立鐵胡劉守節意亦豈待言說源仲堂混衆流此固不得折

四

經時望子來慰我終歲病西行道路迂欲見復未定秋毫論得失豈此不有命嘗聞安身要其本在無競王輔嗣卦解道云安身莫若無競修己莫若自保守道則安福至若無競辱來憲法言

五

才叔策名時已自能不動中年謫南荒與世作
梁棟生平所踐履自待九鼎重失固不足言得
亦何所用才叔諫議張公也初登科時已無喜

送范才元

胡塵犯中原冠蓋走東南同時辟地人十不存
二三相逢各衰病豈復能清談君今尚行後未
暇脫征衫數名自宿昔文字性所耽誰能少年
下筆令人慙並海雖名邪嗜愛殊酸鹹君但撫
罷民未須嚴轡啣開堂宴賓客清詩消半酣時

寄荔子來尚能憐我饑自餘君不問只向鼻端
叅

贈魏邦達張彥素

公更深居我更衰山林膏壤偶同時兩年疾病
略相似二老風流應自知苦學養生猶有累不
知閑過是無為初冬寄遠無他物半夜才成一
首詩

送南上人

閑居病益侵俗事初一掃南公犯寒來為我畧

傾倒論詩已得妙不必在窮討我懶百慮廢識
子恨不早歸途見徐董明叔更問此二老所恨
聊復翁向者骨已槁避拭目看遺文令德惡懷
抱南叔墨奴甚富時與

贈曾吉甫

荒城少往還居處喜相近欣然得一笑渠敢有
不盡詞源久欲竭此道或少進作氣在一鼓軍
士况未愁涼風動高梧塵土朝作陣臨溪惜暫
別溪淺雨復吞豈無一言贈以當百鎰贖沉綿

我未瘳李君更慎

贈魏邦達張彥素

橘綠冬未黃菊老霜變紫不知風土佳但覺日
月駛閒居得養疾調氣寔在此後今便休去敢
復為物使誰能明吾心旁邑見君子

次韵汪教授木犀

治藥呼醫懶出門每聞樂事漫消魂秋花帶雨
寒猶由在老病尋詩自更昏但見晚霞翻雨脚不
知山石是雲根主人有意留巖桂要使貧交奉

一尊

送屠皓秀才

予今來幾時歲月忽已晚今當別我去道里初
不遠家山霜正濃馬草寒更短何以奉親懽一
笑和氣滿邇來游學士已見如子罕讀書要躬
行俗事不厭簡故鄉多老儒歸日正可款時能
寄餘論尚足起我懶兩州便多人自可教徃反

靜軒

紛：逐人行擾：與事競不知一世間能得幾

人靜公今默無語種：以靜勝人來漫相接事
至聊復應開軒道院旁足以補我病日高公事
散轉與靜相稱千載師蓋公此理久已證爐烟
裊晴窓松韻鐘磬簿書勿勤來公方在禪定

贈吳周保

舊琴無譜亦無絃子獨深求不計年正以安閑
有餘地不因言語悟先天論詩再到新州後讀
易仍窺未盡前老病相逢聊一笑非閑無地可
逃禪

尹稷少穡方齋

人圓君方君但方鑿圓杓方君不忙富貴可取
 君則忘閉門讀書敲琅、舊書重叠堆在床點
 勘同異分偏傍運精竭思心力強十年足不離
 僧房荒山野路秋水長客雖欲來嫌路妨幽蘭
 無人為君芳采菊落英充餽狼客雖不來有餘
 香

送義先上人歸古田

斷雲無水去無蹤
 回望關山指顧中
 何處尋君

問消息古田南路已春風

送范十八

范子閑行定不窮
 袖中詩卷敵清風
 野僧道士有餘意
 同學故人多近功
 已辦辛勤十年讀
 時須談笑一尊同
 相看又作韶州客
 却望臨川是夢中

徐師川挽詩三首

江西人物勝初末
 減前賢公獨為舉首
 人誰敢比肩
 時雖在廊廡
 終亦近泉林
 今日西州路臨

風更泫然

二

異日逢明主端居不復藏一心扶正道極力拯
頹經已病猶軒豁臨衰更激昂始知操韞馘餘
事及文章

五

念昔從耆舊公知我獨深意猶如昨日愛不減
南金撫事思前作于時媿夙心素琴理舊曲無
復有知音

即事六言七首

老來與世相忘尚喜攤書滿床憶得少年無事
苦心更學文章

二

少年與世無求老覺心情自由放倒文章事業
追隨倦鳥虛舟

三

不入樂天歡會不隨淵明酒徒看取簞歌西巷
十分晝夜工夫

百壯艾能已疾一盃酒便生春熟睡覺時意思
罷勞歇後精神

游夏一辭不措非閑未究源流直臣孟軻沒後
無人會讀春秋

養生不能延年忘言未是安禪聖學工夫安在
重尋曲禮三千

畢竟學書不成誰道能詩有般點換平生交舊
幾人曾是同盟

楊雄

讀易先知未畫前聖人何事絕韋編始知楊子
多閑暇更有工夫草太玄

嚴君平

千秋蜀道一君平氣象從來不近名可惜下簾
無一事才將老子授諸生

賈誼

孔丘墨翟並稱賢始信先生學未學何事退之
傳此謬亦將論餘點遺編

晉二絕

紛々禮樂付浮埃一始取玄虛禍始開但見出言
齊老易始知胡馬不虛來

晉朝々士安知禮盡出紛々篡賊餘漫使當時
辟世士放言高論祖浮虛

畜大雪童點甚勝人壬戌夏暴死作詩
傷之

它生與我有微因來見防家最後身共住世間
均是夢未應心境不如人浮雲屢見本無迹又
路多歧莫問津此後窮愁走南北更誰隨馬踏
埃塵

伴我走道途直前無葛藤三年貧病裏幾度送
止僧

又作二絕

荒山古寺欲黄昏
梁上諸君欲到門
雨濕雪童埋處土
向來精爽更誰論

二

客至書來總不知
都緣適日吠
敲稀蛛絲網
徧常行處猶道奔
逃未肯歸

秋日

禦盜犬新死
放生羊尚存
有書消永日
無客到衡門
山色熱猶好
溪流雨不渾
還須止雜念
數

息度黃昏

懷雪童

老來於世漫多悲
夢幻推移且自知
想得開山藏骨處
却如搖尾乞憐時
送行識我貧無蓋
閑坐思渠悶有詩
從此窮居添寂寞
冥夜長誰後
遠簾帷

即事

畏事成閑厭出遊
故人不見如曹逃
一寒一暑便衰老
如夢如幻無堅牢
客游遠漫南北往

紫菴集
事悠々增鬱陶此去還能安坐否割雞元不用
牛刀

念舊

俛首思疇昔常期不負渠事隨新境轉人與舊
情疎少日猶相憶多年遂絕書况于生死隔寧
復似平居

和汪教授

羨君須作綠波竹飯飽哦詩敲徹屋閉門不出
動經旬坐看禪房花柳簇却記冰霜動地時半

夜小園風折木一尊相對任濁清三徑閑行漫
松菊長篇短記句動盈軸想像清香有餘馥問
君何以得此妙未潤只緣山有玉我窮猶敢和
君詩不留和氣滿臍腹搜尋險韻少工夫敢與
諸公鬪遲速

癸亥歲正月二日

閒居是因循所至漫冬夏今年忽六十稍覺日
有暇孔子固大聖未害六十化同時蘧伯玉亦
豈出此下莊周與惠施初未識此話何因為此

語百世呈縫罅不如姑置之以俟一朝霸
孔子六十時入耳心則通所造不可知誰能強
形容當世設梯級聊發百世蒙如何陋巷顏年
少兩頰紅出門請從之便欲齊此翁心知路不
遠誠用一日功還家對簞瓢此士正不窮

寄蔡伯世李良宇

西君羈旅宦西蜀我亦江南住僧屋想像平生
肺腑親晴天何處飛黃鵠庾即故是豐年玉道

况更是見不足蔡羹脫粟有餘味富貴薰天果
非福死生契濶今誰在往事悠々陵谷改他年
乘興下瞿塘见我衰頽莫驚怪別尋好語和君
詩債盡平生難韵債埽除塵土更焚香下酒如
今有鮭菜

贈魏承事

兩漲溪渾欲斷橋水鄉風物轉蕭條煩君下筆
留春住令我寒窓不寂寥

四十餘年別歷陽舊遊如夢費思量眼明見此
老居士聽話舊遊如到鄉

送魏縣丞之官餘杭

君去我逾靜我病君得知如何便相遠未有丹
見期溪橋已春晚紅紫久離披初無一尊酒慰
君別後思君才則甚長所用無不宜但當斂光
芒匣劍深藏之初非擊刺用肯顧庸人嗤平生
富事業餘事尤長詩當官備見念琢句敢嫌遲
上以寄難光下以愈我飢

葉尚書普光明菴

日月豈不明：乃有昏晝四時所出火更自表
新舊寧知普光明亘古不傳授獨照萬物表不
見所成就遠乃危湏弥近不聞圭竇茫：獨水
源我此明亦透尚焉所居菴草木甚癯瘦收藏
萬丈光斂退著懷袖至寶久不耀却立萬夫後
我願從公游昏病方待救先持此微言遠寄為
公壽

焦復州惟正寄鼎復兩州喜雨詩來以

近體詩一首寄之

聞道復州賢太守只如前在武陵時相逢未說
為州樂所至先傳喜兩詩行比魯參仍不魯焦
歸嫁以政同龔遂更何疑懸知此去長閒暇定
是愚民不敢欺

送范十八還江西劾白樂天體

與君此別重依然再得相逢又幾年無使人言
長似舊况教人道不如前窮通軒輊皆由命貴
賤高低總是天只有修身屬我少遲留處便

加鞭

晁公詩九經堂

人家有屋但堆錢君家有屋定不然一堂無物
四壁立六藝三傳相周旋人言君貧君不顧以
此辛勤立門戶聖人遺意要沉思暫脫楚騷辭
漢賦他年相見問如何且說九經得力處

送端印上人歸福州

不須布襪與行纏參得諸方五味禪散盡白雲
見明月虛空只是水中天

東萊先生詩集卷第十一

東萊先生詩集卷第十九

東萊先生詩集卷第二十

江西詩派

呂本中 居仁

尤美軒在玉山縣小葉村喻子才作尉

時名之取歐陽文忠公醉翁亭記所

謂林壑尤美望之蔚然者後數年舊

軒既毀復作寺僧移軒山下汪聖錫

要詩叙本末因成數句寄之

茲軒在何許遠在洞巖側洞巖山水勝自與塵

土隔天以奉幽人寧肯媚遊客尉曹昔吏隱到

此若有獲名軒曰尤美盡去眼界窄坐令歐陽
公餘遺意轉明白車馬走道路我久度此厄菜
六舟間于此有安宅軒雖有成壞山本無異色
舉頭見林壑不必更遠索

金雞董需彦光凌岑菴

我為江南遊衰病轉不堪往來信撫間未上凌
岑菴凌岑賢主人清峻如山巖避事若荼苦守
貧如薺甘平生好交游十不存二三令弟又繼
往世不聞清談高風故絕俗想像令人慙浮生
有欣戚此味久已黯請君但高枕客來睡方酣
菜：歧路間與渠為指南乘風本餘事不向鼻
端參

盛華彦光丘壑軒

盛侯少時偉儀觀下筆不休人共歡胸中別自
有丘壑萬里溪山藏几案往來車馬鬧泥玉盛
侯何嘗著眼看較量今古考同異抖擻胸襟別
真贋今朝示我故人詩老病窮愁得消散故人
相繼在鬼錄君雖獨存飽憂患且住溪南數間

屋坐穩不憂時節換人言立壑殊不惡君守一
立只如昨文章老健氣如虹不向山岩何處着

送晁公慶西歸

頃從君家諸父遊談經語道久未休死生契濶
風塵起往事追尋三十秋疾病衰頹且深坐喜
見後生勤勝我臨行索我送行詩短句長篇無
不可少年學問要躬行世人營營勿與爭閉戶
忍窮心自樂簞瓢食飲殊不惡紛々得失誰厚
薄得此失彼莫籌度

曾吉父橫碧軒

驚塵等山林此理久未盡君今住世網于此已
自信僧居隔長溪屋古柱礎濶不知市叢遠但
覺山色近開軒有餘地草木當夏閏一身舩轉
頭萬事燈落燼譬如養在體搔抑吾已認青山
故在眼已絕封閉吝悠然有遐想此語君所印

送邢道州趙邵州歸湖南

相逢不得款柰此別離何長途已新秋從此風
雨多欣然出殘暑如鳥離網羅獨我此淹留衰

病日婆娑跂足望二子洞秋庭始波道州通家
舊口辯如懸河邵州我表弟玉也保不磨無由
得相就相近日經過黃塵翻馬足未遑眄庭柯
何時寄書來與我消睡魔天涼不飲酒為子一
高歌

送方豐之秀才歸福唐

我居江東惟信之州子來自南而與我游問其
所友一時之秀其兄韞德亦既有就子學既立
子志甚遠何以終之止在不倦貧賤勿厭自然

無悶富貴勿羨害德之本彼古之人能聖與仁
我胡不能歎其絕塵今子歸矣歲亦有秋何以
告子惟聖之求水流之源木生有根惟源與根
入德之門求聖根源惟正之守正之不守棄師
背友絲毫之偽勿萌于心無有內外亦無淺深
由此則聖舍此則病是以君子所守先正于以
贈別亦以自警為別後思且以三省

向敷武挽詩

耐官丞相後世固不無人位下能安命身閑不

厭貧還能死異域便足經前塵此日何山路空
悲草木新

向簽判母挽詩

懶作塵寰住處隨雲雨山人皆欽懿範天不予
長年室靜如歸隱心安勝學禪傳家有令子尚
得慰重泉

贈眼醫張子驥即中

人生有所疾萬種皆眼病由眼不得明故視有
不正白指以為黑遠邇皆未定如何少醫膜遂

失本來性君今有妙手與世脫机穿病雖有多
端但以一理勝不須望竒功藥病自相應吾觀
世間物唯眼為至靜淨不容着纖毫况復計少剩

自古大醫王其治有捷徑不能添汝明但要除
此證鏡有塵則昏塵本不在鏡塵去鏡自明豈
必與物競皎潔玉壺冰澄澈秋月瑩坦然望長
途欲往不待倩其說甚易知在汝聽不聽請君
明其然說法我已竟

送晁侍郎知撫州

與君相從四十載老病昏、君不性交游大半
在鬼錄一時輩行惟君在前年簪筆侍明光論
議風流在梗槩邇來在任此荒城笑語瀾翻絕
機械薄酒重尋他日盟新詩未了平生債今君
奉詔作鄰郡共喜朝廷有除拜定知惠政及斯
民一洗從來州郡隘甕頭春色早晚熟遠寄還
須例露巧為君試草德政碑蕭何自昔文無害

晁留臺劉夫人挽詩三首

自昔聞諸父文章漢兩京原夫人侍讀父也舍風

流傳壺範烜赫振家聲睦族今無匹能書舊得
名如何江左郡今日望銘旌

故家劉與魏我亦忝姻親魏姓也劉姓久矣思前

作居然愧後塵道芳接博史舊德見夫人悵望

鷺湖路新年草木春

五

留臺無恙日樂善出誠心文采不復見聲名空
至今半生資內助三嘆有遺音撫事思前輩于

誰覓斷金

贈鄭侍郎

鄭公一勺酒皆與故人傾况茲冲和天草木日向榮山茶逞獨艷著意呈軒楹坐中四五客還來尋此盟主人久未厭頻得倒屣迎燒燭夜照花知公有餘情清歌洗俗耳軟語令心醒豈伊鶴頂丹獨自能傾誠要令同二竢相伴作三英紛々桃李花開謝畧不停誰知此深院別有高世名我老百事廢對此眼暫明還家不能寐起

坐數殘更明朝有新句更欲煩公聽

送宗紀上人歸福州

道人海上來訪我江外寺春風吹行李飄搖不得住手中主人書足下千里路臨行請一語懇款遇外慕人生未入道所至皆旅寓急參庭前栢會取末後句相逢與相別惟此是先務

郡會分韻得蠻字

柳外高樓四面山使君携客共躋攀塵埃不動日方永堯季無言春自閒未厭簿書時到眼每

逢詩酒亦怡顏夜闌一倍園林勝尚覺清歌欠
小蠻

郡會賞牡丹分韻得裳字

敢辭深坐嬾衣裳便欲追陪恐病妨小戶常憂
勸酒滿短才仍怯和詩忙牡丹花在逢寒食群
玉山如逢洛陽不是使君尋舊賞更無人會憶
姚黃

次蔡楠韻

交舊悠々西復東建昌南望水連空蔡侯念我

有新句猶似灞橋風雪中

送王提舉赴淮東七首

君為千里行我此一室住清風隨畫舸已過江

北路

二

君如暑伏承所至自清靜偷然接新秋已復天
地性

三

隨行萬卷書既足以自娛因知君所樂不在使

四

者車
入門雖多途其究有安宅君能識其然一語在
物格

五

學道貴積習天地故相做不容有穢心毫髮在
胸次

六

海陵我舊游歲月亦已久不知兵火後尚有昔

人否

七

官閑有新作寄我莫憚遠兼書海陵事令我開
病眼

送財用歸開化

年來相聚欲無言懶說諸方五味禪所恨歸程
太忽遽不收吾骨瘴江邊

疾病支離故著床爾來殊不負秋陽頭童齒豁

西風裏尚費紫籬一炷香

謝范子儀見寄因次其韵

疾病深藏一事無眼從昏澁廢看書清詩忽覩
驚人向遠道如瞻使者車頗放溪山時入座不
妨賓客醉騎驢傳家事業風流在早晚還朝得
盡攬

謝周侍郎送木瓜

染以猩血緣以刺繡紋天生此碩果似是百
果君杯槃快先覩便足張吾軍雅宜椽燭照正

合侑金樽環橙與大柑其從蓋如雲我病日已
衰故人時見存晨興有奇事此果蒙先分開緘
見珍異坐使童僕奔把玩不去手舉室生清芬
所恨茅屋底著此太不論瓊琚永足報拙句聊
相聞

謝幽巖長老送荔枝

年來疾病日衰頽咫尺閩山懶便回不是幽岩
老尊宿更無人寄荔枝來

荔子焦乾久未嘗今年霜下始聞香幽宮濶畧
菴前事容得先生為口忙

撫州俞隱居挽詩
臨川俞處士獨擅隱居名懶倦不復出風流聞
後生自甘長寂寞肯作太鮮明松栢新斫踞傷
心秋後藪

贈汪信民之子如愚

四海同門一信民近淮來往七經春生平坎壈
不如意死去藪多悞人漫以文章付兒子畧無

無毫髮仰交親請君但自傳家學陋巷簞瓢莫
道貧

謝曾台州送梅

不辭深坐轉衰頽養病仍無酒一杯尚喜故人
相勞苦臘前相送一枝梅

二

甕間吏部久不見江東步兵那得知故人憐我
太寂寞一枝梅送兩篇詩

送范子儀將漕湖北五首

學菴集
君行欲何之乃在湖水北湖水多近郡縣使者易
為德具民淳而古其吏朴以直官閑足賓客歲
稔少盜賊得君清靜化用教不以力但自養根
苗勿苦厭蠹蟻

二

許昌無事時地固多英豪况君忠宣子譽望素
已高讀書不出戶俛首自作勞脫身走江南始
為時所褒每念其先人水靜絕波濤時從文字
嬉餘事及風騷

三

忠宣在朝廷每欲消黨與以我廣大心盡使變
齊魯同門有不察平地鬪豺虎君昔住許昌閉
口不復吐靜思前人意皆是神所許自守泥塗
間肯復計齟齬

四

令先守家學曰自文正始惟不早小官至死而
後已其間有富貴乃是偶然爾人欲學古人豈
不識此理柰何厭貧賤乃不退就已君今又蹈

之可為吾黨喜

五

我懶百事廢尚叨交舊知時蒙寄書來索我送
行詩我詩老益退久為人所唾君獨不見鄙論
相不舉肥送君湖北去無事隔山陂時應有佳
句尚足慰相思

梅花二首

白玉花頭碧玉枝水邊籬下雪晴時暗香別有
關情處却是春風未得知

二

占得先開不待春風鬢雪虐長精神老人不是
尋花看要與尊蠶洗世塵

周承務鄭求諸已齋

為腹不為目貴久不貴速人皆求其餘我獨心
易足人皆重外慕我獨憚其獨閉門想顏子默
坐相追逐壽夭有定分簞瓢乃其福修身雖多
途要在不遠復

送程伯禹歸浮梁

不見程公二十年上饒相遇各華顛平生氣節
君先立老去安閑我未然即看歸來上廊廟未
容休惠住林泉飽山閣上憑欄處合得逍遙第
一篇

疾病因循懶出門茅簷終日坐昏昏雨散點滴
松藏寺人迹稀疎犬吠村時得使君相勞苦勝
于書札問寒溫只應此去添憔悴又欠先生酒
一尊

寄題王珉中玉通判夢山堂

青山甚不遠每因塵事踈百念攪胸次豈知山
有無君無遠俗韻常似山中居出處本無二夢
覺固不殊不知此山堂始信從何途未嘗走道
路亦不用舟車溪流與山色相對若有餘此地
甚閑曠如君心地初行雲映遠樹中有此田廬
如今遂安處始驗寔不虛得非神所相無乃道
力扶親朋在左右不待折簡呼往來一笑樂勝
有十輪來朱何須從范子辛苦泛五湖亦不學沮

宋蘇軾集
卷二十一
弱遠迹斯人徒從容萬事表在我不在渠欣然
理前夢已勝在華胥
去冬以紙衾遺劉彥冲劉有詩來謝以
絕句答之
初無一物獻高人紙被封題意却真想得蒙頭
忘百慮滿山風雪自成春
錦綉堆床已不宜芬芳淑郁又成癡心知此被
無他巧能與山翁換好詩

送曾季直下第歸臨川二首

老病侵凌重別離
爾來瘦欲不勝衣
信州城北荒山寺
兩送親知下第歸
曾子不愁歸泥路
臨行索我送行詩
頭童齒豁衰頹甚
不似京城相別時

送趙子一弟之官南安守

君為千里行我有一樽酒
把酒持勸君欲以為
君壽南安傍庾嶺瘴癘亦時有
德人固天相和氣生戶牖
斯民得安樂如我屈伸肘
居然變遠

俗共感賢太守我病居上饒忽以歲月久杜門
百事廢亦復厭奔走得君暫相從感歎成皓首
頗念河朔時相從誦詩否人生只此是不必更
抖擻有便即寄書類來問衰朽

寄劉彥冲兼寄胡原仲致中

故人別去兩經年冬今歲書來第幾封正以空
疎少製作不因窮約廢迺從養生漫說終難效
學道無心亦未逢若問真歸是何處五更常聽
寺樓鐘

去歲嘗以紙被竹簡遺劉致中後為大
水所漂致中有詩以二絕句答之
念君無愛亦無求一室脩然冷款秋尚恐深居
有餘念更將衾簡委洪流

二

紙被公無笑不才兩公相經有詩來五更睡足
天昏黑也似他人錦繡堆

吳傳朋游綠書

君不見往時文學顧八分中即之後典型存又

不見先朝文惠書
堆墨大榜濃雲照
南北未似只今上
饒守靜寫游絲
不傳手非煙非雲
斷復續緩步徐行
不拘束斷崖一落
千丈滑遠望筆行
如一髮鬼神竭力
覩不見鐵礦消止
翻作線舞飛揚不
自由縱橫自在勝
銀鈎知君此意非
安排妙處不從筆
下來心凝形釋萬
事去信手却立無
纖埃滿堂回頭莫
見猜我自悟此忘
胸懷操舟相馬在
事外顏氏識此由
心齋如君下筆少
有意錦綉寧不悞
剪裁君惟無心故
若此秋毫自可纏
風雷鐘王斂手謝
不敏長史懷素慙
衰頽病夫睹此心
目開向來窮愁安
在哉

中間
空兩
行

東萊先生詩集卷第十終

慶元己未校官黃汝嘉重修

東萊先生詩集卷之十

蘇東萊詩集卷之十
蘇東萊詩集卷之十
蘇東萊詩集卷之十
蘇東萊詩集卷之十
蘇東萊詩集卷之十
蘇東萊詩集卷之十
蘇東萊詩集卷之十
蘇東萊詩集卷之十
蘇東萊詩集卷之十
蘇東萊詩集卷之十

文集莫盛于唐亦莫盛于本朝唐則韓退之柳
子厚本朝則歐陽文忠公竇為之冠是教公固
出類拔萃巍乎不可尚已編次而行于世退
之則李漢子厚則夢得文忠公則東坡先生或
其門人或其故舊又皆與教公深相知蓋知之
不深則歲月先後是非去取往往顛倒錯亂不
可以傳世近張文潛秦少游之流其遺文例遭
此患知與不知之異也東萊呂公居仁以詩
名一世使山谷老人在其推稱宜不在陳無已

下然即世多歷年所而編次者竟無人為墨客
詞人相視太息曰卷所謂知吾者希則我者貴
於儀真沈公宗師名卿之子少卓犖有奇志方
黨禁未解時不顧流俗專與元祐故家厚卷尤
知之徃來酬唱最多沈公之子公雅以通家子
弟從卷游公稱之甚乾道初元卷就養吳郡時
公雅自尚書即擢守是邦暇日裒集卷詩畧無
遺者次第歲月為二冊通銀板置之郡齋蓋卷
之知沈氏父子也深故公雅編次之也備卷亦

改冊字係攷

受知于卷者也公雅用是屬卷題其後竊自伏
念與卷皆生于元豐甲子又相與有連雅相好
也紹興辛亥卷遊地柳州卷在桂林是時年皆
未五十卷之詩固已獨步海內卷亦妄意學作
詩卷一日寄近詩來卷次其韵因作書請問句
律卷察卷至誠教卷甚至且曰和章固佳本中
猶竊以為少新意又曰詩卷熟讀治擇工夫已
勝而波瀾尚未闡欲波瀾之濶須令規模宏放
以涵養吾氣而後可規模既大波瀾自濶少加

治擇功已倍于古矣幾受而書諸紳令三十有
六年顧視少作多可愧悔既老且病無復新功
而處之墓木拱矣觀遺文為之絕歎因記公教
幾之言于篇末使後生知前輩相與情實如此
且以見幾于公之言雖老不忘也乾道二年四
月六日贛州川魯幾題

已未冬 沈升先生得慶元刻東萊集六卷

西集存一二三
三首外集三首

在漫世此書命予校勘一過按石氏序云次第歲月為

二十通是世傳二十首即古時互本然宋刊有外集今本

言之一異也宋本西集第一首此為第十六卷第二首此

為二十卷十一首此為十九首二異也宋本外集第一

卷此為西集第十首三異也宋本外集二三四卷今

此集中皆不收獨擬古一詩

宋本外

收入卷四一異也因此

四異故知此二十卷本實非是本卷末所題慶元己未云

者乃假託欺世非真自宋本出也 宋本外集三卷既
 全則正集字為十七百方符二十三數惜不得全書三從
 証實 書中破體字未也改宋本誤字注于字旁抄
 本誤者直塗及之 黃氏于慶元己未刻此書 沈
 先生于中華民國己未得此書予于是年冬五日校
 于此本上再隔數己未不知後人能見全宋刊否能
 志也校于此本之上石書以待之

海寧張宗祥記



鈔本紫微身跋

此呂居仁詩二十卷有秦伯敷藏所知為
 石硯齋舊物也余細審卷中凡留字均缺
 未書直知乃石門呂氏所鈔也余舊藏有東萊
 原字刊本所亦與卷中人張同聲為代在以此
 考上第十八十九二十卷是也其卷十卷余集
 本外集卷一乃知世傳者生也此卷以外
 而不知其年代也第卷一乃知世傳者生也此卷以外
 原一卷補之今據卷一補假日本所藏宋刻所

嶺北第十卷與山一書相同蓋記余言、非
 誤、矣、嶺北年更取內函年補補外卷、俾
 成定製、此一書而有初字者、可於存年、步、詢
 鏡眼、補、因、何、省、內函年補、第十卷、未、依、將、外、原、二、卷
 鈔、出、行、後、何、法、致、乃、年、竄、亂、鏡、生、一、卷、一、
 頁、訂、而、後、定、完、之、以、後、此、款、一、舊、觀、寧、非、一、大、快
 意、事、也、

仿大德平水本爾雅版式

藏園寫定

